

The Makuilongdi Express

Liangmai Daily Newspaper

"Mazibo niu ngamne"



International Musician khatdi instrumental guitarist Benny Prasad hai wangkinbo Nidnai naihai MBC Centre Church ga tacham nai pagu kamsihai lienkhai raye chiujiu dinne. Paniu kadihipiri ga raithubo thiujui Bongo Guitier "Bentar" machapad bowe.

Chief Minister N Biren niu bampilulujiu tadmibo Kajannai Manipur State Cabinete niu, tuhoi gasu sujiu kaleky khatga chamai khang madai nri nkiu mai kikhun lengra government gu kagengbo wadi doulak mide chiujiu ladchap khai mide chiujiu dinne.



Zengtung 15 Chagaahiu 2022 Nidwannai Chiang PO Tamei, Tamenglong Dist. Manipur Vol.01. Issue 16. Page 1

Aliuniu Khrista panai shaikhai macham mibo donniu, aliudi pah panai ring macham rabowe chiubo aliuniu malumme. Rommai 6: 8.

Takum nia soulubo sai thaikum State-level Orange festival Tameinglong ga tadkiu lanne.



courtesy TTT

Chag. 14: Kadihipiri gu chararien kasabo COVID 19 donjengniu takum nia mathak khai lujiu thaikum Chakehiu Zengtung 14th nai 15th 2022 ga State-level Orange Festival hai Tamenglong ga tadkiu lannechiujiu chapkahi midechiujiu tacham ga dinne.

Haibo ladchap haisi MLA Janghemlung Panmei niu majang lujiu district level officer mainai deputy commissioner office gu confrence hall Tamenglong ga makhiam gasu chapkhai mibowe chiujiu dinne. Sibomakhiamga then masuang kumjiu changee mawijiukhatdi tam-tambo tathon chariu thiujui tadkiu lankhechiujiu chakhai midechiujiu dinne.

Panmai niu sisan khailanjiu committee hai state-level committee, district-level committee khatdi local-level committee chiujiu bamkhechiujiu dinkhai mide. Paniu makhiamga dinjiu Chagaahiu 31 lungga district-level officers gu office hai mini secretariat complex lam kumlan mira sigasu npui kapha taliumak kasabo, tadui ping kasabo tam-tambo tienmak kasa hina talu miraye chiujiu paniu dinsa khai mide. Sigasu Chagaahiu 21 nai "Miyam gee numit" leng DLOs dungtu pagu-gungamkam tienmak kasa tien mawi khailo chiujiu makhiamga paniu dinkhai mide.

52 A/C BJP Tamei Mandal Office Inuagration cum Executive Meeting Tamei Hq. ga tadkiu khai mide.



TME Tamei

Chag. 14: Ndanai Tamei, Gaililong ga 52 Tamei Asembly Constituency Bharata Janata Party (BJP) Tamei Mandal office inuagration cum executive meeting hai tadkiu khai mide. Mandal President Manu Chawangraibou Thiumai niu jukhaibo hangga madui hai tadkiu khai mide. Haibo tenrangga Shri Thokchom Yumjao Singh, Founding Member BJP Manipur Pradesh & District In-charge Tamenglong niu Chagiangpi thiukhai mide khatdi Manu Ch. Mansi, State Executive member, ST Morcha niu Chakhuang giang thiujui tadkiu khai mide. Haibo Maduiga Tamei



gasu khatdi sibowanjeng gasu chamai kengjiu wangjiu padam luk ncham khai mide. Manu Ch. Lungsibou General Secretary BJP Tamei Mandal niu madui jukhaijiu khatdi Manu Chawangraibo Thiumai niu jungoucham khatdi BJP gu palam hai mathiu khuga dinkhaiye.

Chagiangpi niudi BJP gu party niu scheme khatdi tam-tambo changam state ga tadkiujiu bambo lam kengjiu dinsan san khai mide. Sigasu Chakhuang Giang Manu Ch. Mansi niudi Tamei A/C ga disu thengsu rabo lamga BJP party niu changam kamsuibo khatdi aliu ST leng pageng bambo lamgadi wangmai maithiu suangga dinsan khai mide. condit. P.2.

Green Tree Academy gu Sport Meet kaloibo tienrangga masuimakbo piuniu Chagiangpi thiukhai mide.



Vangamla Salle K S.

Chag. 14: Mailung kapenbo khatdi kadihipiriga pangpang characham chiu matai makbo thiujui thainai mien Green Tree Academy Kanglatongbi, Kangpokpi district ga school sports meet gu kaloibo tienrang ga maikum tangmakbo/ masuimakbo piu khattu Chagiangpi thiujui tadkiu khai mide.

Manu Disanbou Ringkangmai hai Liangchi namgasu we, pahai Green Tree Academy ga class 4 katang kiukhai lujiu pakhuga kasia wangtang lakbo bamjiu ariak condit. p.2

Karingting Lunlung



###Lungsapiu yoh, Ira nanou thiukhai niye chiudi naram Tamei areas lamra n-pui kapha wimak, chami (Light) regular mak khatdi tam-tambo bussiness kamkhaira pathou chamak, upai haye sinu ania npek ra mide.

Thaikum 2022 Manipur State niu conduct thiubo NEET-UG gu marit list ga aliu Liangmainah dungdi charaniu lungsa khaijiu chamai khang chania hai qualified thiupatjiu bamme. Paliujan pahangga lenkhai ye.

Tajan	Papiujan	Marks
1. K. Wimadanlungliu d/o Kaba Peter		430
2. Kensiliu Charenamai	d/o Katabamwi Charenamai	408
3. Tasibou Abonmai	s/o Levi Abonmai	393
4. Th. Mariaklinliu	d/o Nampijanangbou	390
5. Victoria Dichongta	d/o Deelonang Dichongta	382
6. Donthuiliu Abonmai	d/o Phenliangbou Abonmai	370
7. P. Tangamphuibou	s/o P. Chawangnang	230

Tacham pikhai nibo khatdi alam khaini sai 9366176046/ 8729922998 alam khailo.

Nagu pumtan khaijiu kam ngam lakmibo ngam tusi lungsabo lungchunniu kamlubo suiye.

Editorial

The Makuilongdi Express.

Haibo "The Makuilongdi Express" hai aliu Liangmai khon gasu nai machang kadihipiri khatdi aliu wanjengga padbambo chakhon chara maksai chalad chalui pisikhaibo leng khatdi aliu Liangmai wakasimai niu aliu society ga paliugu machun khatdi maning madin thi u cham rajengniu phungsu khaibowe. Tuhoi kadihipiri disu thengsu khangmibo wanga media hai kakengkha shaiwang mide chiujiu dinbamme. Haisira padmibo characham maksai tacham pisikhaileng ronna makjiu aliu mathiu wanglan rabo lengniu di makhiam n-cham ra mathiuleng pabam pikhai bambowe. Tuhoi wattapp hai group waji u lingpad lujiu characham wajiudi kaphiat bamme chiudi group members mai ronna siji u mathiu sitang makbo wajiudi bamme. Sijengniu aliu Liangmai mathiu gu common platform thi u suisai chiujiu phungsu khaibowe. Naliugu machundi pawan pawanga share thiukhaijiu mathiu guwe, para thi ujiu aliu Liangmai mathiu guwe chiubo lungchun khai lujiu naliu maningdi phungpad khaira machun bamme.

52 A/C BJP Tamei Mandal Office Inuagrations cum Executive Meeting Tamei Hq. ga...

condt. from P.1.

Wangmai public mai khulam suniudi paliuniu maningbo khatdi BJP gu party niu tentang makbolam khatdi ten majujiu bambo lamdi dinsa n khai mide. Sigasu Manipur State Cabbinate niu thainai mien dicission lukhaimibo, kalek khatga nahmai khang madai nri lungmai leng government gu padbu chabo doulakge chiujiu chapkhaibo tu luni makbo chamdi dinsa n khai mide.

Maduiga pageng bambo committee di kada khai mide siga su wangmai executive niudi pageng bambo chamsui kengjiu chapkhai mide.

Zengtung 14th chunding gasu 15th chawan wanchak 5pm katang general strike bam raye. CorCom

TSE Imphal

Chag. 14: Manipur tuhai India niu Chagaahiu 15, 1949 nai niu India ye chiujiu namphu gasu lukhai mibowe chiujiu situ suini makbo thi ujiu takum machang Coordination Committee (CorCom) niu jukhaibo hang gasu Chagaahiu zengtung 15 nai haisi 'National Black Day' chiujiu dinne.

tadkiujiu bambo kum, thaikumdi zengtung 14th chunding gasu 15th chawan wanchak 5pm katang hai general strike tadkiu raye chiujiu CorCom gu ladbam thi ujiu senpad mide. Siniu medical sevices, emergency services, media khatdi religio activities makbo hinangra kham miraye chiujiu dinne.

Office of the

STATE LEVEL CHAGA NGE E, MANIPUR 2022 (THE LIANGMAI BLESSED FESTIVAL)

Motto: "Preserve and Promote our Culture"

Chaga Chamlen.

Maning chakung thiubambo Liangmai kadi kati kaku kanah kating kanaa mai mathiu khuga chunwibo Chaga cham poukhai ye. Apoupe mainiu aliu Liangmai Tanya chakuang cha-nee kengjiu manya bamniu we chiudi pakhiang nahsi manya kamlak mibo donniu mairam maira seed sowing/harvest/thanks giving kumbo changee tu thin madi ye chiudi Liangmai ra haibo Chaga Ngee dusi kam madi raijiu state level ga phungkhang khe chiujiu 2004 kum Chiang (Langmei) namga Liangmai rong gasu wasi pad rai bimai nai kating khangkiang mai wang madui lujiu seminar bamkhai lujiu state Level Chaga Ngee chiujiu Manipur Government niudi palun sikhai ra kheng jiu changee jut-jutjiu pachali-pachali thi ujiu changee wang mide. Aliu san wiji u Liangmai piu thi ujiu Munhu Awangbow Newmai niudi Minister thiubam nangjiu paniudi Cabbinate Meeting ga phungpad lanjiu 2021 kum state restricted holiday pikhai biji u Tingwang tui paliu katheng kadi maitu thuanjiu apoupe ram Makuilongdi charanam ga jengtung 30th Chagaahiu 2022 bonai state level gu thi ujiu pachakiubo(9) changee ra rang khaijiu, paniadi kakenglam luiwang mide. Siniu Liangmai hina apoupe pon Liangpon piu lujiu wang changee nchamjiu Chaga thoi leng lukhe chiujiu Luan 9th State Level Chaga Committee ladbam thi ujiu poupad khaiye.

Mathiu Ngamga

Luan 9th State Level Chaga Ngee Committee 2022



Green Tree Academy gu Sport Meet kaloibo tienrangga....

condt. from P. 1

kati mathak mibowe chiujiu dinne. Pahai pakon chiumakbo nai palad pakmakbo jengniu ariak hai kati wang tanglakjiu mathak mibowe chiujiu bamdi paniu kangambo jaiga katpadjiu Kanglatongbi bazaar area ga traffic ngamkam kamjiu mathiu leng nkha khaijiu bambowe chiujiu dinne.

Tadmibo wan gara aliu school gu changee ga wakasimai tu kulujiu changee jiu bamniu bowe chiudi thaikumra aliuniu Manu Disanbou tu Chagiangpi leng kukhe palamra paniu aliuleng tienkhaibo ngamkamtu kathuat khaibo nai thonkiu khaibo thi ujiu, chiujiu macham khai lujiu patu npaoboga paniudi pachun wiji u khatdi pacheng ringjiu wangjiu padam lukhaiye chiujiu GTA gu Principal Disubou Wijunamai niu tachamga dinne. Aliu ariak nahmai dungdi patu Chagiangpi thiukhaibo ngoukhaijiu paliu chun wichang wibo bamme chiujiu paniu dinsa n khaiye.

10th & 11th IRB Riflemen gu result madu pad mide.

TME. Tamei

Chag. 14: Zengtung 20th Chabamhiu 2020 nai 10th & 11th IRB Riflemen written test examination gu result hai madu pad mide. Chamai 6750 haitu Viva-Voce leng qualify thi u mide chiujiu government of Manipur, office of the chairman DPC for 10th & 11th IRB Riflemen lamgu tacham gasu notifacation hai pipad mide. Tamenglong district gu thi ujiu chamai 94 hai qualified thiubo ruangga joubamme, katambo district gasura chamai kengjiu padjiu bam mide.

Sikhaibo

Manipur media nai ariaknah mai kakga chuncham lakbo padbo jengniu Manipur state papers pakhiangna pakak khat mathak khai bowe. Mathiu khengkhaibo jengniu thonkiude.